

福 祿 壽 喜

松坡詞目錄

醉落魄

好事近二

定風波二

水調歌頭九

滿江紅八

木蘭花慢

絳都春

念奴嬌五

洞仙歌二

水龍吟三

漢宮春二

洞庭春色

賀新郎

雨中花二

瑞鶴仙

酹江月

松坡記

豫章 京鏗 仲遠

醉落魄觀碧雞坊王園海棠次范石湖韻

芳塵休撲名花喚我相追逐淺妝不比梅敲竹深注朱
顏嬌面稱紅燭阿嬌合貯黃金屋是誰卻遣來空谷
酡顏徧倚闌干曲一段風流不枉到西蜀

好事近次盧漕國華七夕韻

急雨逐驕陽洗出長空新月更對銀河風露覺今宵都
別不須乞巧拜中庭枉共天孫說且信平生拙極耐
歲寒霜雪

又同茶漕二使者登大慈寺樓次前韻

傑閣聳層霄幾度曉風殘月同是鷓鴣行舊侶慰十年離
別一杯相屬莫留殘試倚闌干說趁取簪花綠鬢未
駸駸如雪

定風波次楊茶使七夕韻

何必穿針上綵樓剖瓜插竹訴窮愁聞道天孫相會處
銀漢無津不待泛蘭舟動是隔年尋素約何似每逢
清夢且嬉游但得舉杯開笑口對月臨風總勝鵲橋秋
又次韻

休臥元龍百尺樓眼高照破古今愁若不擎天爲八柱
且學鷗夷歸泛五湖舟萬里西南天一角騎氣乘風
也作等閒游莫道玉關人老矣壯志凌雲依舊不驚秋

水調歌頭次盧漕韻呈茶漕二使

楊盧萬人傑見我眼俱青錦官城裏勝槩在在款經行
筆底煙雲飛走胸次乾坤吐納議論總縱橫覺我形穢
處相並玉壺清二使者弦樣直水般平岷峨洗淨悽
愴威與惠相并聞道東來有詔卻恐西樓無計頓使雪
山輕滾滾蜀江水不盡是聲名

又中秋

明月四時好何事喜中秋瑤臺寶鑑宜挂玉宇最高頭
放出白毫千丈散作太虛一色萬象入吾眸星斗避光
彩風露助清幽等閒來天一角歲三周東奔西走在
處依舊若從游照我尊前隻影催我鏡中華髮蟾兔漫

悠悠連璧有佳客乘興且登樓

又伏蒙都運大判院以某新建駟馬橋落成有日口寵
賜佳詞爲郡邑之光輒勉繼嚴韻以謝萬分

百堞龜城北江勢遠連空杠梁濟涉渾似溪澗飲長虹
覆以翬飛華宇載以魚浮疊石守護有神龍好看發源
水滾滾盡流東司馬氏淩雲氣蓋羣公當年題柱從
此奏賦動天容果駕軺車使蜀能致諸蠻臣漢邛笮道
仍通寄語登橋者努力繼前功

又次王運使韻

身去日華遠舉首望長安四年留蜀那復有夢到金鑾
遙想將蕪三徑自笑已窮五技無語倚闌干欲作天涯

別猶對俎尊閒 秋意晚風色厲葉聲乾陽關三疊緩
唱一醉且酡顏聚散燕鴻南北得失觸蠻左右莫較去
仍還後日相思處煙水與雲山

又次果州馮宗丞韻

滾滾長江水策策曉霜風求歸得請特地送我布帆東
出處何關輕重去住不拘淹速社燕與秋鴻父老休相
戀四載愧無功 誰知有樓百尺臥元龍來從天上一
麾游戲斗牛中聞道君王前席見說從臣虛位變化待
鯤鴻一笑同錦里萬事付金鍾

又次永康白使君韻

與蜀有緣法見我眼俱青征車到處絃管無限作離聲

自笑四年留滯漫說三邊安靜分闌愧長城一念天地
闌萬事羽毛輕欲歸去詩入社酒尋盟駸駸雙鬢老
矣祇覺壯心驚雖是東西惟命已斷行藏在已何必問
君平舉似銅梁守懷抱好同傾

又留別茶漕二使者

數月已辦去今日始成行天公憐我特地趁曉作霜晴
萬里奔馳爲米四載淹留爲豆自笑太勞生父老漫遮
道撫字愧陽城君有命難俟鴛合兼程故山心切猿
鶴應是怨仍驚多謝使華追路不忍客亭分袂已醉酒
猶傾莫久西南住漢代急公卿

又

四載分蜀閬萬里下吳檣老懷易感厭聽催別笛橫羌
自愧謀非經遠更笑才非任劇安得召公棠有志但碌
碌無績可章章漢嘉守明似月潔如霜邦人鼓舞愛
戴惟恐趣歸忙況是水曹宗派仍得蘇州句法燕寢晝
凝香且趁東風去步武近明光

又次前黃州李使君見贈韻

挺挺祖風烈再歲滯偏州元龍豪氣宜臥百尺最高樓
萬丈文章光焰一段襟懷灑落風露玉壺秋亂石驚濤
處也作等閒游適相逢君去騎我歸舟清都絳闕密
邇切莫小遲留趁取親庭強健好向聖朝傾吐事業肯
悠悠回首宣藩地恩與大江流

滿江紅 中秋前同二使者賞月

乘興西來問誰是平生相識算惟有瑤臺明月照人如
昔萬里清涼銀世界放教千丈冰輪出便招邀我輩上
層樓橫孤笛陰晴事人難必歡樂處天常惜幸星稀
河澹雲收風息更著兩賢陪勝賞此身如與塵寰隔笑
謫仙對影足成三空孤寂

又中秋邀茶漕二使者不見月

喜見中秋急載酒登樓邀月誰料得狂風作祟浮雲爲
孽孤負闌干凝望眼不教寶鑑懸銀闕但筵前依舊舞
腰斜歌喉咽陰與霽圓并缺難指準休分別況賞心
樂事從來磨折常把一尊陪笑語也勝虛度佳時節怪

坡仙底事太愁生驚華髮

又次盧漕高秋長短句併呈都大

纔近重陽喜風露醞成爽氣應料有悲秋情緒澹妝慵
試黃菊籬邊開徧否紫鴻塞外歸來未但倚闌高處望
長空無窮意名利鼎從渠沸窮達路非人致又何須
咄咄向空書字西風正好狂吹帽庾塵那解關無事縱
嬉游也不學山翁如泥醉

又浣花因賦

錦里先生草堂築浣花溪上料飽看階前雀食籬邊漁
網跨鵲騎鯨歸去後橋西潭北留佳賞況依然一曲抱
村流江痕漲魚龍戲相浩蕩禽鳥樂增舒暢更綺羅

十里棹歌來往坐英賢今李郭邦人應作仙舟想澹
澹乎落日未西時船休放

又次宇文總領上巳日游湖韻

雨後晴初覺春在桴村柳陌修禊事郊垌尋勝特邀君
出繚繞羣山疑虎踞瀾漫一水容鯨吸怪西湖底事卻
移來龜城北酬令節逢佳日風遞煖煙凝碧趁蘭舟
游玩盡杯中物十里輪蹄塵不斷幾多粉黛花無色笑
杜陵昔賦麗人行空遺迹

又壬子年成都七夕

雨洗新秋遣涼意驅除殘暑還又是天孫河鼓一番相
遇銀漢橋成烏鵲喜金匳絲巧蜘蛛吐見幾多結綵拜

樓前穿針女 舟楫具將歸去尊俎勝休恩遽被西川
七夕四回留住此地關心能幾輩他年會面知何處更
倚闌豪飲莫辭頻歌金縷

又次潼川漕劉殿院韻

外省掄才詔書下芝泥猶溼應料得出奇錦繡爭輝金
碧三級浪高魚已化九霄路遠鵬方息有宗工此地獨
持衡將專席 歲月晚霜風急嗟老子爲行客念昔陪
班綴今親辭色握手方成同社款消魂又作歧亭別也
不須因賦大刀頭歸心折

又次楊提刑韻

道骨仙風合笞鳳鞭鸞歸去底事爲三峨九霄等閒留

住攬轡聊施經濟手凝旒屢出褒嘉語算只今人物更
誰歸心如許嗟我拙才不武慚我陋文非古縱策遲
鞭鈍也難追步雖喜故人逢異縣卻嫌游子貪行路但
著公西掖北門中相期處

木蘭花慢重九

算秋來景物皆勝賞況重陽正露冷欲霜煙輕不雨玉
宇開張蜀人從來好事遇良辰不肯負時光藥市家家
簾幕酒樓處處絲簧婆娑老子興難忘聊復與平章
也隨分登高茱萸綴席菊蕊浮觴明年未知誰健笑杜
陵底事獨淒涼不道頻開笑口年年落帽何妨
絳都春元宵

昇平似舊正錦里元夕輕寒時候十里輪蹄萬戶簾帷
香風透火城燈市爭輝照誰撒□滿空星斗玉簫聲裏
金蓮影下月明如晝知否良辰美景□豐歲樂國從
來希有坐上兩賢白玉爲山聯翩秀筵歌一片圍紅袖
切莫遣銅壺催漏杯行且與邦人共開笑口

念奴嬌

七夕是年七月九日方立秋

捫參歷井恰愬愬三見西州七夕怪得驕陽回避晚猶
去新秋兩日天上良宵人閒佳節初不分今昔夜來急
雨洗成風露清絕因念萬里飄零君平何在誰識乘
槎客插竹剖瓜休妄想巧處那容人乞院宇初涼樓臺
不夜漫說經年隔引杯長嘯醉看天地空闊

又上巳日游北湖

錦城城北有平湖彷彿西湖西畔載酒郊垌修禊事雅
稱蘭舟同泛麥隴黃輕橙林綠重莫厭春光晚棹歌聲
發飛來鷗鷺驚散好是水漲瀾漫山圍周市不盡青
靑岸除卻錢塘門外見只說此閒奇觀句引游人追陪
佳客三載成留戀古今陳迹從教分付絃管

又次宇文總領游北湖韻

并引

伏蒙宮使總領郎中再寵賚鄙句爲貺愈出愈奇輒
復賦一首以謝萬分并述所懷

郎闡風望問何因袖手雙流溪畔憶昔班行曾接武今
喜一尊同泛驥櫪難淹鵬程方遠大器成須晚等閒訪